

# RPW Ar-Lein Online

Taliadau Gwledig Cymru  
Rural Payments Wales



Llywodraeth Cymru  
Welsh Government

[www.cymru.gov.uk](http://www.cymru.gov.uk)

## Canllaw i Gwsmeriaid ar sut i Agor eu Cyfrif RPW Ar-lein



## Cynnwys:

## Tudalen:

<b><u>Cyflwyniad</u>.....</b>	<b>3</b>
❖ Cyflwyniad i RPW Ar-lein	3
❖ Porth y Llywodraeth	3
❖ Mewngofnodi i RPW Ar-lein	
<b><u>Agor eich Cyfrif RPW ar-lein</u></b>	<b>4</b>
❖ Y tro cyntaf y byddwch yn mewngofnodi	6
<b><u>Tudalen Hafan RPW Ar-lein - Cwsmeriaid</u></b>	<b>8</b>
<b><u>Tudalen Hafan RPW ar-lein - Asiantwyr ac Undebau Ffermwyr</u></b>	<b>11</b>
<b><u>Mwy o Arweiniad a Help</u></b>	<b>14</b>

## Cyflwyniad

### Cyflwyniad i RPW Ar-lein

Mae Taliadau Gwledig Cymru (RPW) Ar-lein yn ffordd gyflym a hwylus o gysylltu ag RPW.

Ar ôl ichi agor eich cyfrif RPW ar-lein, byddwch yn gallu gwneud y canlynol:

- llenwi ceisiadau a datgan diddordeb
- cael yr wybodaeth ddiweddaraf trwy neges destun neu e-bost
- gweld ble ydych chi arni gyda'ch holl hawliadau
- holi RPW ac ateb eu cwestiynau nhw i chi, gan gynnwys lanlwytho dogfennau
- diweddarau manylion eich busnes
- rhoi caniatâd i gynrychiolwyr eich undeb ffermio neu'ch Asiant wneud pethau ar eich rhan os dyna'ch dymuniad
- ychwanegu a rheoli eich CPH (rhifau daliad).

### Porth y Llywodraeth

Mae Porth y Llywodraeth yn sicrhau bod RPW Ar-lein yn ddiogel ichi ei ddefnyddio. Pan fyddwch yn clicio ar ddolen RPW Ar-lein, byddwch yn mynd yn gyntaf i dudalen logio i mewn i Borth y Llywodraeth. Efallai bod gennych gyfrif Porth y Llywodraeth eisoes neu fel arall, bydd yn rhaid ichi greu un. Bydd yn rhaid ichi logio i mewn i Borth y Llywodraeth i gael mynd ar RPW ar-lein. Darllenwch y bennod berthnasol yng nghanllaw Porth y Llywodraeth ar wefan RPW Ar-lein [www.llyw.cymru/rpwarlein](http://www.llyw.cymru/rpwarlein) os ydych am greu cyfrif Porth y Llywodraeth neu logio i mewn arno.

### Mewngofnodi i RPW Ar-lein

Cliciwch [www.llyw.cymru/rpwarlein](http://www.llyw.cymru/rpwarlein) i fynd i'r dudalen mewngofnodi (logio i mewn).

Ar dudalennau Taliadau Gwledig Cymru Ar-lein Llywodraeth Cymru, fe welwch yr wybodaeth ddiweddaraf a chanllaw i ddefnyddwyr. I ddefnyddio RPW Ar-lein, mae'n bosibl y bydd angen ichi gael system weithredu neu borwr cryfach. Gofalwch eich bod yn bodloni'r amodau ar gyfer defnyddio RPW Ar-lein. I'w gweld, cliciwch ar Gofynion RPW Ar-lein ar ochr dde'r dudalen. Os oes gennych unrhyw gwestiynau, cysylltwch â'r Ganolfan Gyswllt i Gwsmeriaid - mae'r manylion cysylltu yn yr adran [Mwy o Arweiniad a Help](#) yn y canllaw hwn.

Mae dwy ffordd ichi fynd i'ch cyfrif:

- Mewngofnodi trwy wefan Llywodraeth Cymru, yn [www.llyw.cymru/rpwarlein](http://www.llyw.cymru/rpwarlein)

### Mewngofnodi i RPW Ar-lein

[Mynd at RPW Ar-lein \(dolen allanol\)](#)

- Mewngofnodi trwy ddolen wedi'i chadw (ar ôl mewngofnodi i dudalen RPW Ar-lein ar wefan Llywodraeth Cymru, rhowch nod tudalen arni neu ychwanegwch hi at eich ffefrynnau, gan ddibynnu pa borwr rhyngwyd rydych yn ei ddefnyddio).

## Agor eich Cyfrif RPW ar-lein

Bydd yn rhaid ichi agor eich cyfrif RPW Ar-lein cyn cael logio i mewn (mewngofnodi) iddo y tro cyntaf.

Ar ôl mewngofnodi i Borth y Llywodraeth, fe welwch sgrin ichi allu agor eich cyfrif.

**Agor Cyfri'r Cwsmer neu Gofrestru'r Cwsmer**

Dewiwrch an a'i opsiynau cadarnrwyd i'w glicio ar y llochen.

Mae gan i Gyfeirnod Cwsmer (CRN) a chod defnyddio sessio a heffwrdd agri cyffwrdd er mwyn cael defnyddio RPW Ar-lein.

**Agor**

Hoffwch gofrestru ar gyfer Cyfeirnod Cwsmer (CRN) i gael defnyddio RPW Ar-lein.

**Gofrestru**

[Dogfenau Cefn](#) | [Cysylltwch â ni](#) | [Datganiad Ffarchant](#)

Bydd angen y tair ffaith ganlynol arnoch wrth law ichi allu agor eich cyfrif RPW Ar-lein:

- Eich Cyfeirnod Cwsmer (CRN)
- Cod post eich cyfeiriad gohebu
- Cod Defnyddio RPW Ar-lein.

Bydd llythyr â'r wybodaeth hon arno wedi'i anfon i gyfeiriad gohebu'r CRN. Os ydych wedi'i gollu, cysylltwch â'r Ganolfan Gyswllt i Gwsmeriaid. Fe welwch y manylion cysylltu yn adran [Mwy o Arweiniad a Help](#) y canllaw hwn.



## Y tro cyntaf y byddwch yn mewngofnodi

Bydd yna ddwy sgrin arall y byddwch yn eu gweld pan fyddwch yn mewngofnodi (logio i mewn) am y tro cyntaf.

### 1. Telerau ac Amodau

Byddwn yn gofyn ichi ddarllen a derbyn Telerau ac Amodau Taliadau Gwledig Cymru (RPW) Ar-lein. Cliciwch ar y ddolen i ddarllen y Telerau a'r Amodau. Rhaid ichi dicio'r blwch i gadarnhau'ch bod yn derbyn y Telerau a'r Amodau cyn cael bwrw ymlaen.



### 2. Dewisiadau Ar-lein

Y tro cyntaf y byddwch yn mewngofnodi, fe welwch hefyd y sgrin Dewisiadau Ar-lein.



Bydd RPW yn anfon e-bost neu neges destun atoch bob tro y caiff dogfen neu lythyr ei ychwanegu at eich cyfrif. Bydd yn rhaid ichi fewngofnodi i'ch cyfrif i'w gweld.

- Os byddwch yn dewis cael gwybod trwy **'e-bost'**, rhaid ichi roi a chadarnhau cyfeiriad e-bost.
- Os byddwch yn dewis cael gwybod trwy **'neges destun'**, rhaid ichi roi a chadarnhau rhif ffôn symudol.
- Os byddwch yn dewis **'y ddau'**, rhaid ichi roi ac yna gadarnhau rhif ffôn symudol a chyfeiriad e-bost.

Ar hyn o bryd, gallwch ddewis derbyn llythyron 'Ar-lein' yn unig trwy'ch Cyfrif RPW Ar-lein neu 'Papur ac Ar-lein' i dderbyn ambell lythyr trwy'r post yn ogystal â thrwy'ch Cyfrif RPW Ar-lein.


Wedi ichi nodi'ch dewis, cliciwch y botwm "Cadw Newidiadau"

Mae croeso ichi newid eich Dewisiadau Ar-lein unrhyw bryd. I gael rhagor o wybodaeth ynghylch sut i newid eich manylion ar eich Cyfrif RPW Ar-lein, ewch i [www.llyw.cymru/rpwarlein](http://www.llyw.cymru/rpwarlein)

Ar ôl safio'ch Dewisiadau Ar-lein, y dudalen nesaf welwch chi yw tudalen hafan y [Cwsmer](#) neu [Asiant/Undeb Ffermwyr](#).

## Tudalen Hafan RPW Ar-lein - Cwsmeriaid

Fel arfer, y dudalen hafan fydd y dudalen gyntaf welwch chi wrth fewngofnodi (logio i mewn).



## Bar Dewislenni

Ar hyd y bar dewislenni gwyrdd ar dop y sgrin, fe welwch yr opsiynau canlynol:

### Fy Fferm

Dewiswch yr opsiwn hwn i weld neu newid eich manylion cwsmer.

Bydd hynny'n cynnwys ychwanegu unigolion, newid manylion cysylltu ac ychwanegu buddiannau'ch busnes. Mae'ch Map, Map Rhyngweithiol a Rheoli fy Nhir hefyd ar gael trwy Fy Fferm.

### Fy Hawliau

Dyma ble welwch chi fanylion eich hawliau a pha rai sydd ar gael a ddim ar gael ichi eu defnyddio i gael taliad.

### Gwybodaeth Ariannol

Dyma ble mae'ch manylion bancio a manylion y taliadau sydd wedi'u gwneud. I newid eich manylion bancio, rhaid llenwi ffurflen manylion eich banc gan nad oes modd newid manylion eich banc ar-lein. I gael copi, ewch i [www.llyw.cymru/rpwarlein](http://www.llyw.cymru/rpwarlein) neu holwch y Ganolfan Gyswllt i Gwsmeriaid; fe welwch ei manylion cysylltu yn adran [Mwy o Arweiniad a Help](#) y canllaw hwn.

### Dogfennau

Bydd eich holl ddogfennau RPW yn cael eu cadw yma. Byddwch yn gallu chwilio am y rhai sydd eu hangen arnoch.



## Ceisiadau a Hawliadau

Cliciwch ar yr opsiwn hwn i wneud cais neu hawliad newydd neu i weld beth sy'n digwydd i hawliad rydych wedi'i wneud eisoes.

## Negeseuon

Dyma ble mae'r dogfennau a'r llythyrau y mae RPW wedi'u hanfon atoch chi yn cael eu cadw. Byddwch hefyd yn gallu ateb cwestiynau a lanlwytho gwybodaeth ategol o'r dudalen Negeseuon. Bydd y rhif wrth ochr dde'r teitl Negeseuon yn dangos faint o negeseuon sydd gennych heb eu darllen.

## Contractau a Grantiau Bach

Dyma ble gwelwch chi restr o'ch contractau a'u statws, a lle gallwch Ddatgan Diddordeb neu weld Datganiadau sydd wedi'u gwneud eisoes. Byddwch hefyd yn gallu lanlwytho dogfennau o'r fan hon i gefnogi'ch hawliadau.

## Fy CPH

Dyma'r lle i reoli gwybodaeth eich daliad (CPH) ac ychwanegu CPH newydd.

## Fy Nghyfrif Ar-lein

Ar ochr dde'r dudalen, cliciwch ar yr opsiwn hwn i newid eich Dewisiadau Ar-lein neu ychwanegu neu newid unrhyw gysylltiadau ag asiantwyr, cynghorwyr a chynrychiolwyr undebau ffermwyr.

Dyma elfennau pwysig eraill ar dudalen hafan RPW Ar-lein:

## Bar Gwybodaeth

Mae'r bar Gwybodaeth glas yn dangos y cyhoeddiadau a'r wybodaeth ddiweddaraf.



## Man Negeseuon

Ar ochr chwith y dudalen hafan, byddwn yn cadw'r ohebiaeth ddiweddaraf rhyngoch chi a'r RPW. Dim ond y negeseuon diweddaraf fydd yn cael eu dangos. I weld eich negeseuon i gyd, ewch i'r tab Negeseuon.



## Dolenni Defnyddiol

Ar ochr dde'r dudalen hafan, mae rhestr o ddolenni defnyddiol.

### Dolenni defnyddiol

BCVB  
Ffynonau a gwybodaeth Lywodraethol  
Tudalen 10  
Sylweddol: Adroddiad a Mudiad o'r Ffynonau  
Cwmni Ffynonau  
Mae'r ffynonau'n hyspwrdd  
Ffynonau a'r ffynonau yn hyspwrdd

## Dechrau Ceisiadau a Hawliadau

Fe welwch ddolenni cyflym at rai o'ch ceisiadau a hawliadau ar waelod y dudalen hafan. I weld yr holl geisiadau, ewch i'r dudalen Ceisiadau a Hawliadau.

### Dechrau Ceisiadau a Hawliadau

Iwch i'r Cwmni Ffynonau  
A'r ffynonau'n hyspwrdd


Cewch ragor o fanylion am yr holl elfennau hyn ar-lein yn [www.llyw.cymru/rpwarlein](http://www.llyw.cymru/rpwarlein).

## Tudalen Hafan RPW Ar-lein - Asiantwyr ac Undebau Ffermwyr

Y dudalen gyntaf welwch chi ar RPW Ar-lein yw'r sgrin Dewiswch y Cwsmer Bydd y sgrin yn dangos yr holl gwsmeriaid rydych yn delio â nhw. I gael rhagor o wybodaeth am gwsmeriaid a sut i ofalu amdany'n nhw ar-lein, ewch i [www.llyw.cymru/rpwarlein](http://www.llyw.cymru/rpwarlein).



Cliciwch y botwm "Hafan Asiant" ac fe welwch y dudalen ganlynol:



## Bar Dewislenni

Ar hyd y bar dewislenni gwyrdd ar dop y sgrin, fe welwch yr opsiynau canlynol:

### Fy Manylion

Dewiswch yr opsiwn hwn i weld neu newid eich manylion.

Bydd hynny'n cynnwys newid eich manylion cysylltu a'ch manylion cyffredinol. Os ydych yn gwsmer dros dro, chewch chi ddim newid eich manylion. Byddwn yn rhoi

gwybod ichi wedi inni brosesu'ch ffurflen Cofrestru Cwsmer yn llawn, trwy'r dull cyfathrebu y byddwch wedi'i ddewis.

## Dogfennau

Bydd eich holl ddogfennau diweddar RPW yn cael eu cadw yma. Byddwch yn gallu chwilio am y rhai sydd eu hangen arnoch.

## Negeseuon

Dyma ble mae'r dogfennau a'r llythyrau y mae RPW wedi'u hanfon atoch chi yn cael eu cadw. Byddwch hefyd yn gallu ateb cwestiynau a lanlwytho gwybodaeth ategol arni. Bydd y rhif wrth ochr dde'r teitl Negeseuon yn dangos faint o negeseuon sydd gennych heb eu darllen.

## Fy Nghyfrif Ar-lein

Ar ochr dde'r dudalen, dyma ble gallwch newid eich Dewisiadau Ar-lein a rheoli'ch cwsmeriaid.

Dyma elfennau pwysig eraill ar dudalen hafan RPW Ar-lein:

## Bar Gwybodaeth

Mae'r bar Gwybodaeth glas yn dangos y cyhoeddiadau a'r wybodaeth ddiweddaraf.



## Man Negeseuon

Ar ochr chwith y dudalen hafan, byddwn yn cadw'r ohebiaeth ddiweddaraf rhyngoch chi a'r RPW. Dim ond y negeseuon diweddaraf fydd yn cael eu dangos. I weld eich negeseuon i gyd, ewch i'r tab Negeseuon.



## Dolenni Defnyddiol

Ar ochr dde'r dudalen hafan, mae rhestr o ddolenni defnyddiol.

### Dolenni defnyddiol

BCVB  
Ffôn a gwybodaeth ymlyn  
Tîm a chontract  
Sylweddol: Adroddiadau a ffôn  
Codiad Ffôn  
Mae'r hysbysu hysbysu  
Knappe: cwybodaeth ymlyn a ffôn

I gael mwy o help ar sut i ddefnyddio'r elfennau hyn, ewch i [www.llyw.cymru/rpwarlein](http://www.llyw.cymru/rpwarlein)

## Mwy o Arweiniad a Help

I gael mwy o help ac i weld fideos arddangos ar-lein, ewch i [www.llyw.cymru/rpwarlein](http://www.llyw.cymru/rpwarlein).

I siarad â'r Ganolfan Gyswllt i Gwsmeriaid, ffoniwch **0300 062 5004**. Ei horiau agor yw:

**Llun - Iau 8.30am tan 5pm**  
**Gwener 8.30am tan 4.30pm.**

Gallwch anfon neges atyn nhw hefyd trwy'ch cyfrif RPW Ar-lein.

Gall ein Canolfan Gyswllt i Gwsmeriaid siarad â chi hefyd am weithdai a'r cymorth un i un sydd ar gael yn ystod cyfnod y SAF ac ar adegau pwysig eraill.

Am ragor o wybodaeth am gynlluniau eraill sy'n cael eu rhedeg gan Daliadau Gwledig Cymru, ewch i: [www.llyw.cymru/ffermio](http://www.llyw.cymru/ffermio)

### **Defnyddio a hyfforddiant mewn cyfrifiaduron**

Mae'r wefan [www.computercourses.wales](http://www.computercourses.wales) yn rhestru'r cyfrifiaduron sydd ar gael i'r cyhoedd eu defnyddio yn ogystal â'r cyrsiau hyfforddi sydd ar gael ledled Cymru. Gallwch hefyd ffonio 0845 474 8282. Mae yna nifer fach o gyfrifiaduron ar gael hefyd yn rhai o swyddfeydd Llywodraeth Cymru.

### **Band eang**

Mae band eang cyflym wrthi'n cael ei ddarparu ledled Cymru neu gallwch wneud cais am grant i gysylltu â band eang cyflym trwy ffyrdd eraill. Ewch i [www.llyw.cymru/bandeang](http://www.llyw.cymru/bandeang) am ragor o wybodaeth neu ffoniwch 0300 025 8887.